



ZASTRAŠIVANJE Poruka iz Sirije upućena poglavaru IZBiH

# SIPA provjerava ISIL-ove prijetnje reisu Kavazoviću

Amir Selimović prijeti reisu da će ga "zaklati nasred Baščaršije" • Poruku koja je stigla s ratišta u Siriji svi u BiH trebaju shvatiti ozbiljno, kaže Hadžović

Poglavar Islamske zajednice (IZ) u BiH reisu-l-ulema Husein ef. Kavazović ponovo se našao na udaru radikalnih grupa. Otvorene prijetnje smrću putem poruke na YouTubeu reisu je uputio vebabija Amir Selimović (42) porijeklom iz Živinica, koji se od kraja 2014. bori na strani terorističke organizacije Islamska država (ISIL) u Siriji, gdje je odveo i petomjesečno dijete te suprugu Melihu Delić. Na snimku Selimović navodi da će reisa "zaklati nasred Baščaršije" jer je "ohalalio kamatu i učešće u nevjerničkim vojskama u borbi protiv muslimana".

## Način razmišljanja

U Državnoj agenciji za istrage i zaštitu (SIPA) kažu da su upoznati s ovim prijetnjama, o čemu su obavijestili Tužilaštvo BiH i po čijim će smjernicama poduzeti potrebne mjere i radnje iz svoje nadležnosti.

- SIPA kontinuirano prati aktivnosti na izdiferenciranim internet portalima i društvenim mrežama na kojima se pojavljuju sigurnosno interesantni sadržaji te u saradnji s Tužilaštvom BiH poduzima potrebne mjere i radnje iz svoje nadležnosti. U pogledu konkretne prijetnje, SIPA pod nadzorom

Tužilaštva BiH poduzima mjere i radnje na dokumentiranju nezakonitih aktivnosti i utvrđivanju svih potrebnih činjenica - izjavila je za "Avaz" glasnogovornica SIPA-e Kristina Jozić.

Iz Tužilaštva BiH naveli su da ne mogu davati nikakav komentar o ovom slučaju.

Rijaset Islamske zajednice u



Reis Kavazović:  
Ozbiljne prijetnje

## Druga prijetnja

Ovo je druga prijetnja pripadnika ISIL-a otkako je reis Kavazović najavio zatvaranje paradžemata. Početkom januara reis je

dobio je još jednu prijetnju smrću u kojoj izvjesni Čurt navodi da će "Kavazovića obezglaviti, odavno je to zaslužio".

BiH još nije zauzeo zvučan stav o najnovijim prijetnjama. Ismet Veladžić iz Kabineta reisa Kavazovića kazao nam je da će se reis o ovom pita-



Selimović: Od 2014. u Siriji



Hadžović: Velika opasnost

nju oglasiti danas.

Denis

Hadžović, generalni sekretar Centra za sigurnosne studije iz Sarajeva i stručnjak iz oblasti sigurnosti, za "Avaz" je kazao da poruku koja je stigla s ratišta u Siriji treba shvatiti ozbiljno.

- S obzirom na sve što se dešava i koliko smo svi zajedno suočeni s terorističkom prijetnjom,

ju veliku opasnost - kaže Hadžović.

## Mjere opreza

Mišljenja je da su prijetnje koje je Selimović uputio reisu Kavazoviću povezane sa stavovima reisa koji pozivana "srednji put".

- Reis Kavazović u prethodnom je periodu pozivao na tradicionalno poštivanje islama, jasno je rekao da je protiv radikalizacije, a to ovim ljudima očito smeta. Vjerovatno je povezano i s odlukom da se stavi pod kontrolu djelovanje paradžemata koji su izvan djelovanja Islamske zajednice - kaže Hadžović. *A.Nu.-M.Aš.*